

SPANNENDS BUECH

SCHTÄRNEFÖIFI
Text: Boni Koller

Intro: G7 As7 Cm

Cm
Str: Wo isch d'Sibylle? Sie isch nonig da
Cm
Sie hät gseit, fanged ohni mich aa
B
Sie bruucht no en Momänt für sich
Cm
Reklamiere nützt nüüt, es isch ere gliich

F G
Für de Zvieri hät sie kä Ziit
F G
Sogar wänn's en Schoggichueche git
F G
Sie will nöd, dass me sie jetz schtört
Cm
Sie will lieber wüsse wie s'Kapitel ufhört

G As
Ref: S'isch wie'ne Sucht, s'isch wie'n en Fluech
G As
Ich han es schampar spannends Buech
G As
Ich bin am liebschte ganz älei
G Cm
Nur no e Siite oder zwei

Str: Ohni Buech gaht sie nienet hii
Sie hät's immer überall debii
Sie macht en Salto und en Bürzelbaum
Und list debii wiiter wie im Traum

Sie list verusse und im Büro
Im Tram, im Zug, und uf em Velo
I de Badwanne, uf em WC
Und im Bett no es Kapitel meh

Ref: S'isch wie'ne Sucht, s'isch wie'n en Fluech...

Str: Ou nei, das isch di letschi Siite gsi
S'Buech isch färtig, es isch vebii
Aber ich bin jetz scho gschpannt
Wie's wiitergaht im nögschte Band

Ref: S'isch wie'ne Sucht, s'isch wie'n en Fluech...